

Xi³ ti¹tjon² xon⁴ xi³ pa²stro⁴ Pablo qui³squi³-le⁴ cho⁴ta⁴ tesalonicenses

Pablo si¹ti²²nta³

1 Jin⁴-jin⁴ Pablo cao⁴ Silvano cao⁴ Timoteo ti³chji³-lai²⁴j⁴jin⁴ nca³ts⁷io³ xi³ na⁴xi⁴na³nta¹-le⁴ Cristo xi³ cho⁴ta⁴ tesalonicenses ⁷mi²-no³, xi³ ti³yo³cao⁴³ Ni³na¹ N⁷ai³-na¹ cao⁴ Nai³-na¹ Jesucristo: Ca²ta³tsjoa¹-no³ cjoa⁴nta³, ca²ta³si¹qui³njen³nch⁷an¹j⁴in³ ni⁴ma⁴-no³ Ni³na¹ cao⁴ Nai³-na¹ Jesucristo.

Jo³-s⁷in² nca³ nta³ ma³cjain¹-
le⁴ cho⁴ta⁴ tesalonicenses

²C⁷oa⁴-s⁷in² v⁷ai²-lai⁴j⁴in⁴ cjoa⁴nta³ nca³nts⁷jai² Ni³na¹ xi³ t⁷a³tsaon⁴³ nca³ts⁷io³. Ni²cja³⁷ai³tsjen³-lai²⁴j⁴in⁴ nca³ jon² c⁷ia⁴ nca³ v⁷e²ts⁷oai³⁴-jin⁴. ³A³li² c⁷ia³ ni²cha³j⁴in³-j⁴in⁴ nca³ ni²cja³⁷ai³tsjen³-lai²⁴j⁴in⁴ nqui³xcon⁴ Ni³na¹ N⁷ai³-na¹, jo³ n⁷iaon²³ nca³ ma³cjain¹-no³, jo³-s⁷in² ni²xao¹³ nca³ tsjoa³chao³, jo³-s⁷in² tj⁴in¹-no³ cjoa⁴ts³jt³ nca³ cho³ya²-lao⁴³ Nai³-na¹ Jesucristo. ⁴Nts⁷e³², xi³ tjao²que³-no³ Ni³na¹, ⁷ya³-ni¹⁴j⁴in⁴ nca³ je² xi³ tsa³cja³⁷a¹j⁴in³-no³. ⁵Je² en¹nta³ xi³ t⁷a³ts⁷e⁴ Cristo xi³ qui³no²cjoa⁴ya³j⁴in³-lai²⁴j⁴in⁴, a³li² to⁴⁷en¹-j⁴in² xi³ ji³cho²-no³, c⁷oa⁴-ti⁴ tj⁴in¹-le⁴ nca³n⁷ion¹ cao⁴ Espiritu

Santo, c⁷oa⁴ cao⁴ cjoa⁴n⁷ion¹j⁴in³ qui³no²cjoa⁴ya³-no³. Je³yao³ jo³-s⁷in² tsa³nquin¹coai⁴-j⁴in⁴ yao³-na⁴j⁴in⁴ ya⁴j⁴in³-no³ nca³ jon², nca³ tjao²cha³-lai²⁴j⁴in⁴. ⁶C⁷oa⁴ jon² qui³chjen³nqui²-na³j⁴in⁴ nca³ j⁴in⁴-j⁴in⁴ cao⁴ je² Nai³-na¹. Qui³chjoao¹³ en¹-le⁴ Ni³na¹ cao⁴ cjoa⁴tsjoa³ xi³ ts⁷e⁴ Espiritu Santo, nta³ tsa² tse³ cjoa⁴n⁷ain³ qui³cha³⁷ao²³. ⁷C⁷oa⁴-s⁷in² tsa³cja³ntiao⁴² xi³ t⁷a³ts⁷e⁴ nca³ts⁷i³ xi³ coan³cjain¹-le⁴ ya⁴ Macedonia cao⁴ ya⁴ Acaya. ⁸Jon² xi³ c⁷oa⁴-s⁷in² qui³ni²c⁷a³vi¹son² en¹-le⁴ Nai³-na¹, a³li² tsa² to⁴ya⁴ Macedonia cao⁴ ya⁴ Acaya, to⁴nca³ c⁷oa⁴-ti⁴ nca³qui³jnta² ⁷nte³ ts⁷a³vi¹son² jo³-s⁷in² ma³cjain¹-no³ t⁷a³ts⁷e⁴ Ni³na¹. Coi³ cjoa⁴ li²coi³ ma³chjen¹-na³j⁴in⁴ nca³ coi⁴no²cjoa⁴-sai³⁴j⁴in⁴. ⁹Ti⁴je²ni³ cho⁴ta⁴ v⁷e¹ na⁴j⁴mi¹ jo³-s⁷in² qui³chjoe¹tjao²-na³j⁴in⁴, jo³-s⁷in² qui³ni²c⁷o¹fa³ya³⁷t⁷a³-lao⁴³ Ni³na¹ nca³ qui³njion²³ xco¹son², jme¹-ni³ nca³ cji³ma³chjen¹-si¹ni³lao⁴³ Ni³na¹ xi³ ti¹jna³con³, xi³ ña³qui³ Ni³na¹. ¹⁰Ti³cho³ya²-lao⁴³ ⁷nti¹-le⁴ Ni³na¹ xi³ cjoa⁴⁷ai¹-ni³ nc⁷a³j⁴mi³, je² xi³ Ni³na¹ qui³si³cja³⁷a¹ya³-ni³le⁴ ya⁴j⁴in³-le⁴ c⁷en³, je² Jesús xi³ fa³⁷a¹xin²-na¹ cjoa⁴n⁷ain³ xi³ cjoa⁴⁷ai¹.

Pablo tsjoa³que³ cho⁴ta⁴
tesalonicenses

2 Nts²e³², jon² 'yao³ nca³ li²
to⁴cjoa⁴tjao²-jin² ji³cho²chon³-
lai²⁴jin⁴. ²Nta³ tsa² tse³ cjoa⁴n⁷ain³
qui³cha³⁷ai²⁴-jin⁴ nca³s⁷a⁴, nta³
tsa² tjin¹ xi³ taon³ tsa³ve³-na³jin⁴
ya⁴ Filipos, jo³-s⁷in² nca³ je³⁷yao³,
coan³n⁷ion¹-ta³coin²⁴jin⁴ t⁷a³ts⁷e⁴
Ni³na¹-na¹, nca³ qui³no²cjoa⁴ya³jin³-
lai²⁴jin⁴ je² en¹nta³ t⁷a³ts⁷e⁴ Ni³na¹,
nta³ tsa² n⁷ion¹ tse³ cjoa⁴n⁷ain³
qui³s⁷e³. ³A³li²coi³ tsa³c⁷e²ne²-
lai²⁴jin⁴ xi³ tsi² tsa² coi³ c⁷oa⁴tjin¹,
xi³ cjoa⁴jnti¹, xi³ cjoa⁴ch⁷a²na⁴cha⁴,
⁴to⁴nca³ c⁷oa⁴-s⁷in² no²cjoai⁴-jin⁴
jo³-s⁷in² nca³ qui³sco²t⁷a³-na³jin⁴
Ni³na¹, jme¹-ni³ nca³ qui³s⁷e³ne²-
si¹ni³na³jin⁴ je² en¹nta³. ⁵A³li²
c⁷oa⁴-s⁷in² no²cjoai⁴-jin⁴, jme¹-
ni³ nca³ ma³tsjoa³-si¹ni³le⁴
cho⁴ta⁴son³⁷nte³, to⁴nca³ jme¹-
ni³ nca³ ma³tsjoa³-si¹ni³le⁴
Ni³na¹, je² xi³ co³t⁷a³ ni⁴ma⁴-na¹.
⁶Je³⁷yao³ nca³ li² to⁴⁷en¹ntsjen¹-
jin² qui³ch⁷a²sjai³⁴-jin⁴, ni⁴cao⁴-jin²
cjoa⁴xin²ta³con². Je² Ni³na¹ ti¹ve³.
⁷A³li² tsa² je² cjoa⁴je³ya³-le⁴ cho⁴ta⁴
tsa³qui³jnchi³sjai³⁴-jin⁴, ni⁴tsaon⁴³-
jion²³, ni⁴to⁴⁷ya³-jin²sa³ xi³ ts⁷e⁴,
nta³ tsa² coan³-na³jin⁴ nca³ jon²
qui³ni²ch⁷a¹ne²-lai²⁴jin⁴, nca⁴
pa²stro⁴-le⁴ Cristo ni¹⁴-jin⁴. ⁸To⁴sa³
coan³⁷i³nta³jin³-jin⁴ cao⁴ jon², jo³-
ni³ tsa² jnc³ na⁴ xi³ si¹ca³qui³,
xi³ cjoe¹tjao² n⁷ti¹-le⁴. ⁹C⁷oa⁴-s⁷in²
to⁴n⁷ion¹ tjao²cha³-lai²⁴jin⁴, nca³
me³-na³jin⁴ nca³ c⁷oai⁴-lai²⁴jin⁴ a³li²
tsa² to⁴je² en¹nta³ t⁷a³ts⁷e⁴ Ni³na¹,
sa³⁷nta³ me³-na³jin⁴ c⁷oai⁴-lai²⁴jin⁴
ni⁴ma⁴-na⁴jin⁴. Cjai¹nca³ tjao²cha³
coan³-lai²⁴jin⁴. ¹⁰Je³tjin¹jin³-no³,

nts²e³², je² xa¹-na⁴jin⁴, jo³-s⁷in² nca³
qui³ni²qui³jtai³⁴-jin⁴ yao³-na⁴jin⁴.
Qui³ni²xai¹⁴-jin⁴ ni⁴chjin³ nca³
ni⁴tjen⁴, jme¹-ni³ nca³ tsi² 'ya³ xi³
jon² xi³ ni²ch⁷a¹ne²-si¹ni³lai²⁴jin⁴.
C⁷oa⁴-s⁷in² qui³no²cjoa⁴ya³jin³-
lai²⁴jin⁴ je² en¹nta³ t⁷a³ts⁷e⁴ Ni³na¹.
¹⁰Jon² nio¹³ cao⁴ Ni³na¹ testigo
nca³ c⁷oa⁴-s⁷in² to⁴tsje³, nca³ c⁷oa⁴-
s⁷in² to⁴qui²xi⁴, nca³ tsi² tsa²
jme³ je¹ tjin¹-na³jin⁴, c⁷oa⁴-s⁷in²
tsa³nquin¹jin³-lai²⁴jin⁴ nca³ jon² xi³
coan³cjain¹-no³. ¹¹C⁷oa⁴-s⁷in² 'yao³
jo³-ni³ tsa² n⁷ai³ cao⁴ n⁷ti¹x³ti³-
le⁴, c⁷oa⁴-s⁷in² tsa³c⁷e²ne²-lai²⁴jin⁴
qui³ni²n⁷ioin¹⁴-jin⁴ ta³con² nca³
jnco¹jnc¹³. ¹²N⁷ion¹ tsa³c⁷e²ne²-
lai²⁴jin⁴ nca³ c⁷oa⁴-s⁷in² ti⁴mao³
jo³-s⁷in² va³quin²-le⁴ Ni³na¹ xi³
nchja⁴-no³ t⁷a³ts⁷e⁴ cjoa⁴te¹xo³ma³-
le⁴ cao⁴ cjoa⁴je³ya³-le⁴. ¹³Co³ cjoa⁴
c⁷oa⁴-ti⁴ jin⁴-jin⁴ li²coi³ ni²cha³jin³-
jin⁴ nca³ v⁷ai²-lai⁴jin⁴ cjoa⁴nta³
Ni³na¹ nca³ c⁷oa⁴-s⁷in² qui³cho³vao¹³
en¹-le⁴ Ni³na¹ xi³ qui³no²⁷ya²-
na³jin⁴. Li²coi³ qui³cho³vao¹³ jo³-ni³
tsa² en¹-le⁴ cho⁴ta⁴, to⁴nca³ jo³-
ni³ tsa² en¹-le⁴ Ni³na¹ xi³ n³qui³
c⁷oa⁴tjin¹, je² xi³ ti¹si¹xa¹jin³-no³
xi³ coan³cjain¹-no³. ¹⁴Jon², nts²e³²,
c⁷oa⁴-s⁷in² qui³chjen³nqui²-lao⁴³
je² na⁴xi⁴na³nta¹-le⁴ Ni³na¹ xi³
tjio¹cao⁴ Cristo Jesús, xi³ tjio¹
ya⁴ Judea. Xi³ tsaon⁴³ xi²nquio⁴³
qui³si³cja³⁷a¹-no³ ti⁴coi³-ni³
cjoa⁴n⁷ain³ xi³ je² cho⁴ta⁴ judíos
xi³ xi¹ncjin¹ ma³-ni³ qui³si³cja³⁷a¹-
le⁴ na⁴xi⁴na³nta¹-le⁴ Cristo ya⁴
Judea. ¹⁵Je² cho⁴ta⁴ judíos xi³
qui³si³c⁷en³ Nai³-na¹ Jesús cao⁴ je²
cho⁴ta⁴ xi³ qui³nchja⁴ya³ t⁷a³ts⁷e⁴
Ni³na¹. C⁷oa⁴ jin⁴-jin⁴ co²ntran⁴
tsa³c⁷e¹ma³tjen⁴nqui³-na³jin⁴.

Li²coi³ sa³sen¹-le⁴ Ni³na¹ jo³ s⁷in¹
nca³ je². Ña³qui³ co²ntran⁴ tjio¹-le⁴
nca³ts⁷i³ cho⁴ta⁴. 16 Va³te¹chjoa²-
na³jin⁴ nca³ chja²coai⁴-jin⁴ cho⁴ta⁴
xi³ li² judío-jin², jme¹-ni³ nca³
coi⁴tjo³ntjai²-si¹ni³. To⁴tjio¹ma³
si¹tse³ je¹-le⁴ nca³ntsjai². Xi³ fe³t⁷a³-
ni³ ja³ai³ne²-le⁴ cjoa⁴jtj³-le⁴ Ni³na¹.

**Pablo me³-le⁴ coai⁴con³-le⁴ cho⁴ta⁴-
le⁴ Cristo ya⁴ Tesalónica**

17 Nts⁷e³², to⁴choa³ ni⁴chjin³
nca³ xin² ti³yo³-lai²⁴jin⁴, to⁴nca³
je² ni⁴ma⁴-na⁴jin⁴ ya⁴ tjio¹cao⁴-
no³. Coi³ cjoa⁴ nca³ nqui²sa⁴ n⁷ion¹
ni²xi¹ti¹ya³-lai⁴jin⁴ yao³-na⁴jin⁴, nca³
cjai¹nca³ me³-na³jin⁴ nca³ jchai⁴-jin⁴
ncjaon³. 18 Coi³ cjoa⁴ nca³ coan³me³-
na³jin⁴ nca³ tsa³nquin¹chon³-lai²⁴jin⁴.
Cjoa⁴qui²xi⁴ an³ Pablo jao² c⁷a³
coan³me³-na³, to⁴nca³ je² Satanás
tsa³c⁷e¹chjoa²-na³jin⁴. 19 Jme¹-ni³ xi³
ti³cho³ya²-lai⁴jin⁴. Jme¹ cjoa⁴tsjoa³
xi³ s⁷e⁴-na³jin⁴. Jme¹ corona xi³
sca⁴ni²nc⁷a³-na³jin⁴. A³tsi² tsa² coi³
nca³ jon² xi³ coi⁴nchao³ nqui³xcon⁴
Nai³-na¹ Jesucristo nca³ cjoa⁴ai¹-ni³.
20 Jon² nio¹³ xi³ cjoa⁴je³ya³-na⁴jin⁴
cao⁴ cjoa⁴tsjoa³-na⁴jin⁴.

3 Coi³ cjoa⁴ nca³ tsi²coi³ coan³-
na³jin⁴ qui³cho³ya²-sai³⁴jin⁴,
qui³ni²cja³ai³tsjen³jin³-jin⁴ nca³
to⁴jin⁴-jin⁴ coi⁴yoi³⁴-jin⁴ ya⁴ Atenas.
2 Qui³cha³ni²⁴-jin⁴ Timoteo, je²
nts⁷e³² xi³ si¹xa¹-le⁴ Ni³na¹, xi³
ti¹va³sen¹cao⁴-na³jin⁴ t⁷a³ts⁷e⁴
je² en¹nta³ t⁷a³ts⁷e⁴ Cristo, nca³
c⁷oa⁴-s⁷in² si⁴²n⁷ion¹-ta³con²no³
c⁷oe⁴²ne²-no³ jo³-s⁷in² coan⁴cjain¹-
no³, 3 jme¹-ni³ nca³ tsi² tsa² ya³ xi³
si⁴²c³antjai²ya³ yao³-le⁴ nca³ fa³a¹
je² cjoa⁴n⁷ain³-vi⁴. Je³yo³ nca³ jon²
nca³ c⁷oa⁴-s⁷in² c⁷oa⁴cao⁴-na¹. 4 C⁷ia⁴

nca³ to⁴jo³ ya⁴ tsa³qui³yo³cao⁴-
lai²⁴jin⁴, c⁷oa⁴-s⁷in² to⁴nqui³-ni³
tsa³c⁷in²-lai²⁴jin⁴ nca³ cjoa⁴n⁷ain³
chja⁴a², jo³ cji³ma³, ne³ je³ti³yo³.
5 Xi³ coi³ nca³ c⁷oa⁴-ti⁴ an³ li²coi³
qui³sco³ya²-sa³nia³ qui³si³ca³sen¹³-
nia³ nca³ scoe³-no³, jo³-s⁷in²
tjio¹ta³con² nca³ ma³cjain¹-no³, tsa²
tsi² tsa² ya⁴ ch⁷ao³ ti¹si¹cao⁴-no³
Satanás, tsa² tsi² tsa² to⁴cjoa⁴tjao²
qui³ni²xa¹⁴-jin⁴. 6 C⁷ia⁴ nca³
je³ji³n⁷choa³t⁷a³-ni³no³ Timoteo,
ja³ai³n⁷ch⁷oe²-na³jin⁴, c⁷oa⁴-s⁷in²
tsa³c⁷e¹-na³jin⁴ na⁴jmi¹ jo³-s⁷in² nca³
ma³cjain¹-no³, nca³ ma³tsjoa³chao³,
nca³ nta³ fa³jin³-ta³con²na³jin⁴
nca³ntsjai², nca³ me³-no³ nca³
jcha⁴-na³jin⁴, jo³-s⁷in² nca³ c⁷oa⁴-ti⁴
me³-na³jin⁴ nca³ jcha⁴-lai²⁴jin⁴ nca³
jon². 7 Coi³ cjoa⁴ nts⁷e³², nta³ tsa²
cjoa⁴fao¹ cjoa⁴n⁷ain³ tjin¹-na³jin⁴,
ma³jnc³-ta³coin²⁴jin⁴ xi³ t⁷a³tsaon⁴³
nca³ c⁷oa⁴-s⁷in² to⁴nta³ ma³cjain¹-no³.
8 Nt⁷ai⁴-vi⁴ntai⁴ ti³yo³choin³⁴-jin⁴,
tsa² c⁷oa⁴-s⁷in² n⁷ion¹ nta³ ti³yo³cao⁴³
Nai³-na¹. 9 Jme¹ cjoa⁴nta³ xi³ c⁷oi⁴-
lai⁴jin⁴ Ni³na¹ xi³ t⁷a³tsaon⁴³,
jo³-s⁷in² nca³ ña³qui³ n⁷ion¹
nta³ tjin¹-na³jin⁴ cjoa⁴tsjoa³ xi³
t⁷a³tsaon⁴³ nqui³xcon⁴ Ni³na¹-na¹.
10 Cjai¹nca³ nta³ ti³v⁷e²ts⁷oi³⁴-jin⁴
ni⁴chjin³ nca³ ni⁴tjen⁴, jme¹-
ni³ nca³ jcha⁴-si¹ni³jin⁴ ncjaon³,
jme¹-ni³ nca³ si⁴jnc³-si¹ni³jin⁴
xi³ cha³-sa³le⁴ nca³ ma³cjain¹-
no³. 11 To⁴nca³ ti⁴je²-ni³ Ni³na¹
N⁷ai³-na¹ cao⁴ Nai³-na¹ Jesucristo
ca²ta³si¹ca³sen¹ ya⁴ntia⁴²-na³jin⁴
nca³ coan⁴nquin¹n⁷ch⁷oe²-lai²⁴jin⁴
nca³ jon². 12 Ca²ta³si¹ncjin²ya³-no³
Nai³-na¹, c⁷oa⁴ nqui²sa⁴-sa³ tse³
ca²ta³ma³tsjoa³chao³ xi²nquio⁴³
cao⁴ cho⁴ta⁴ nca³ts⁷i³, jo³-s⁷in² nca³

jin⁴-jin⁴ tsjoa³cha³-lai²⁴jin⁴ nca³ jon²,
 13jme¹-ni³ nca³ n⁷ion¹-si¹ni³con³
 ni⁴ma⁴-no³, ni⁴jme³-jin² je¹ tjin¹-le⁴
 nca³ tsje³ cjoan³ nqui³xcon⁴ Ni³na¹
 N⁷ai³-na¹, c⁷ia⁴ nca³ cjoa⁴⁷ai¹-nca¹ni³
 Nai³-na¹ Jesucristo cao⁴ nca³ts⁷i³
 cho⁴ta⁴-le⁴.

Jo³-s⁷in² ma³chjen¹ nca³ coi⁴ma³²
 jo³-s⁷in² sa³sen¹-le⁴ Ni³na¹

4 Je² xi³ fe³t⁷a³-sa³ni³, nts⁷e³²,
 nca³ v⁷e²ts⁷oa³-lai²⁴jin⁴ v⁷e²ne²-
 lai²⁴jin⁴ nca³ ti³yo³coa⁴² Nai³-na¹
 Jesús. Jo³-s⁷in² nca³ tsa³c⁷in²ya³-
 lai²⁴jin⁴, jo³-s⁷in² ma³chjen¹ nca³
 coi⁴mao³ jo³-s⁷in² sa³sen¹-le⁴ Ni³na¹,
 c⁷oa⁴-s⁷in² ca²ta³ma³ncjin²yao³.
 2Je³⁷yao³ jme³ cjoa⁴te¹xo³ma³
 tsa³c⁷ai²-lai²⁴jin⁴ xi³ t⁷a³-ts⁷e⁴ Nai³-
 na¹ Jesús. 3C⁷oa⁴-s⁷in² me³-le⁴ Ni³na¹
 nca³ coan⁴tsjao³, nca³ chja⁴⁷a²xin²-
 lao⁴³ yao³-no³ cjoa⁴cha³jnqui³.
 4Jnc¹jnc¹ nca³ jon² tsje³ ti⁴yo³cao⁴³
 ya¹nchjin¹-no³, jcha⁴xcon¹³. 5A³li²
 to⁴coi³-jin² cjoa⁴chi⁴nca⁴ xi³ n⁷ian²-
 ni³lao⁴³, jo³-ni³ tsa² cho⁴ta⁴ xi³ li²
 judío-jin² xi³ tsi²coi³ ve³ Ni³na¹.
 6Ni⁴⁷ya³-jin² xi³ v⁷a³ntjai²cjoa⁴, xi³
 v⁷a³na⁴cha⁴-le⁴ nts⁷e⁴ je² cjoa⁴-vi⁴,
 nca⁴ je² Nai³-na¹ xi³ si⁴²jnta³-ni³
 nca³yi³je³ cjoa⁴ je²-vi⁴, jo³-s⁷in²
 nca³ je³c⁷oa⁴tsa³c⁷in²-lai²⁴jin⁴
 tsa³c²e²ne²-lai²⁴jin⁴. 7Ni³na¹ li²coi³
 qui³nchja⁴-na¹ jme¹-ni³ nca³ jnti¹
 coan⁴-si¹nia³², to⁴nca³ ña³qui³ tsje³
 coi⁴yao³². 8Je² xi³ taon³ ve³, li²coi³
 taon³ ve³ cho⁴ta⁴son³⁷nte³, to⁴je²
 Ni³na¹ xi³ taon³ ve³, je² xi³ c⁷oa⁴-
 ti⁴ qui³tsjoa³-na¹ Espíritu Santo-le⁴.
 9Li²coi³ ma³chjen¹ nca³ squi³-no³ xi³
 t⁷a³ts⁷e⁴ cjoa⁴tjao²cha³ jo³-s⁷in² nca³
 ma³tsjoa³chao³ xi²nquio⁴³. Ti⁴jon²-
 nio³ je³c⁷oa⁴-s⁷in² qui³cho²t⁷a³yao³

ts⁷e⁴ Ni³na¹ jo³-s⁷in² nca³
 ma³tsjoa³chao³ xi²nquio⁴³. 10C⁷oa⁴-
 ti⁴s⁷in² tsjoa³chao³ nts⁷e³² jo³ tjin¹
 ma³-ni³ xi³ tjio¹ ya⁴ nca³qui³jnta²
 Macedonia. To⁴nca³ ti³v⁷e²ts⁷oa³-
 lai²⁴jin⁴, nts⁷e³², nca³ nqui²sa⁴-sa³
 tsjoa³chao³ xi²nquio⁴³. 11Ti⁴xi¹ti¹ya³-
 lao⁴³ yao³-no³ nca³ nch⁷an¹ coi⁴yo³,
 c⁷oa⁴ ti⁴sin³-lao⁴³ cjoa⁴ma⁴-no³ xi³
 ti⁴tsaon⁴³-nio³. Ti⁴xao¹³ cao⁴ ntsao⁴³
 jo³-s⁷in² nca³ tsa³c⁷e²ne²-lai²⁴jin⁴,
 12jme¹-ni³ nca³ scoe⁴x⁷in⁴-si¹ni³no³
 cho⁴ta⁴ xi³ tsi² ma³cjain¹-le⁴, c⁷oa⁴
 jme¹-ni³ nca³ tsi² tsa² jme³ xi³
 cha⁴-no³.

Jo³-s⁷in² cjoa⁴⁷ai¹ Nai³-na¹

13Nts⁷e³², c⁷oa⁴-ti⁴ li²coi³ me³-
 na³jjin⁴ nca³ tsi² s⁷e⁴jjin³-no³ xi³
 t⁷a³ts⁷e⁴ xi³ cjio³fe², jme¹-ni³ nca³
 tsi² tsa² coan⁴va³-si¹ni³no³, jo³-ni³
 tsa² xi³c⁷a³ xi³ tsi² tsa² jme³ co³ya³-
 le⁴. 14C⁷ia⁴ tsa² ma³cjain¹-na¹ nca³
 Jesús c⁷en³, c⁷oa⁴ ja³⁷a²ya³-ni³le⁴,
 c⁷oa⁴-ti⁴s⁷in² ma³cjain¹-na¹ nca³
 Ni³na¹ si⁴²cji³nchoa¹cao⁴ Jesús
 je² xi³ cjio³fe² nca³ tjio¹cao⁴ Jesús.
 15Coi³ cjoa⁴ c⁷oa⁴⁷mi²ya³-lai²⁴jin⁴
 je²-vi⁴ xi³ qui³tso² je² Nai³-na¹:
 Na¹ xi³ ti³yo³choan³² xi³ to⁴jo³
 ti³yoa³² sa³⁷nta³ cjoa⁴⁷ai¹ Nai³-na¹,
 a³li² ña¹ coa⁴nquin¹ti¹tjon²-le⁴² xi³
 je³-tsa³cja³yo³fe². 16Je² soa³ Nai³-
 na¹ cjoa⁴⁷ai¹jen³-ni³ nc⁷a³jmi³ nca³
 squi¹⁷ntia¹xa¹, cao⁴ jta⁴-le⁴ a²ncje⁴
 nca³jco⁴, cao⁴ chjao³-le⁴ Ni³na¹.
 C⁷oa⁴ je² xi³ c⁷en³ xi³ ts⁷e⁴ Cristo
 cjoa⁴⁷a¹ya³ti¹tjon²-le⁴. 17C⁷ia⁴
 ña¹ xi³ ti³yo³choan³², xi³ to⁴jo³
 ti³yoa³², c⁷oa⁴-s⁷in² coan⁴jncoa³²
 tjoe¹mi³nc⁷a³jian³² yo³jvi³ cao⁴
 je², nca³ coa⁴nquin¹ ch⁷a² Nai³-na¹
 jin³sen¹. C⁷oa⁴-s⁷in² coi⁴yo³coa⁴²

nca³ntsjai² Nai³-na¹. ¹⁸C⁷oa⁴-
s⁷in² nca³⁷ⁱ⁴ nca³jan¹ ti⁴je³ta³con²³
xi²nquio⁴³ cao⁴ je² en¹-vi⁴.

5 To⁴nca³ t⁷a³ts⁷e⁴ jo³ chon³
ni⁴čhjin³, jo³ chon³ son^{37nte3},
li²jme³ xi³ ma³chjen¹-no³ nts⁷e³² nca³
squi³-no³. ²Je³na²nta³ ⁷yao³ nca³
je² ni⁴čhjin³-le⁴ Nai³-na¹ cjoa^{47ai1}
jo³-ni³ tsa² che¹ nca³ ni⁴tjen⁴.

³C⁷ia⁴ nca³ c⁷oa⁴coi⁴tso⁴: Jo³ nta³
nch⁷an¹ ti³yoa³². Ni⁴jme³-jin² xi³
coan⁴-na¹. C⁷ia⁴² cjoa^{47ai1}ne²-le⁴⁷ⁿⁱ³
nca³ coi⁴xo⁴ya³ nti⁴ton⁴, jo³-ni³
tsa² jnco³ chjon⁴² xi³ fi³cho² hora-
le⁴ nca³ ⁷nti¹ c⁷oe⁴². Ni⁴ya³-jin² xi³
cha^{47a3}-le⁴. ⁴To⁴nca³ jon², nts⁷e³²,
li²coi³ ti³yo³njon²³, jme¹-ni³ nca³ je²
ni⁴čhjin³-vi⁴ cjoa^{47ai1}ne²-si¹ni³no³
jo³-ni³ tsa² che¹. ⁵Nca³ts⁷io³ i³sen³
tsaon⁴³, ni⁴čhjin³ tsaon⁴³. A³li² tsa²
cho⁴ta⁴ni⁴tjen⁴ cho⁴ta⁴njon²-jian².

⁶Coi³ cjoa⁴ a³li² sa¹yo³fe²-jian² jo³-ni³
tsa² je² xi³c⁷a³, to⁴sa³ coi⁴yo³chon³-
nia¹, n⁷ion¹ to⁴jvi³ coan⁴nquin¹coa⁴²
yao³-na¹. ⁷Je² xi³ fa³yo³fe², fa³yo³fe²
nca³ njion², c⁷oa⁴ je² xi³ ch⁷i⁴,
ch⁷i⁴ nca³ njion². ⁸To⁴nca³ ña¹ xi³
ni⁴čhjin³ tsan⁴², nta³ tjain¹coa⁴²
yao³-na¹. Je² xi³ ma³cjin¹-na¹, je²
cjoa⁴tjao²cha³ ca²ta³s⁷e³-na¹ jo³-ni³
tsa² chi⁴nca³qui⁴cha⁴ xi³ so³nta²do⁴
y⁷a³cja¹. Je² cjoa⁴cho³ya²cao⁴cjoa⁴
nca³ coi²tjo⁴ntje² ca²ta³s⁷e³-na¹
jo³-ni³ tsa² xo³mpe³qui⁴cha⁴ xi³
cji³son²-le⁴ so³nta²do⁴. ⁹Li²coi³ xa¹
qui³si³qui³ncha³nta³-na¹ Ni³na¹ nca³
cjoa⁴jt³-le⁴ s⁷e⁴-na¹, to⁴nca³ s⁷e⁴-
na¹ cjoa⁴vi³tjo³ntjai² xi³ to⁴t⁷a³ts⁷e⁴
Nai³-na¹ Jesucristo. ¹⁰Jesucristo
c⁷en³ xi³ t⁷a³tsan⁴², jme¹-ni³ nca³
c⁷oa⁴-s⁷in² coi⁴yo³-nia³² cao⁴ je²,
nta³ tsa² coi⁴yo³choan³², nta³ tsa²
coi⁴yo³fe². ¹¹C⁷oa⁴-s⁷in² nca³⁷ⁱ⁴

nca³jan¹ ti⁴je³ta³con² xi²nquio⁴³,
t⁷ai²-sa³lao⁴³ nca³n⁷ion¹ xi²nquio⁴³,
jo³-s⁷in² ti³ma³n⁷iaon²³.

Pablo v⁷e¹ne²-le⁴ nts⁷e⁴

¹²V⁷e²ts⁷oa³-lai²⁴jin⁴ nts⁷e³², nca³
jcha⁴xcon¹³ je² xi³ si¹xa¹jin³-no³ nca³
jon², xi³ vi³ncha³ti¹tjon²-no³ nca³
ti³yo³cao⁴³ Nai³-na¹, xi³ tso²ya³-
no³. ¹³N⁷ion¹ nta³ jcha⁴xcon¹³,
ca²ta³ma³tsjoa³chao³, xi³ to⁴t⁷a³ts⁷e⁴
xa¹-le⁴. Nch⁷an¹ ti⁴yo³cao⁴³
xi²nquio⁴³. ¹⁴C⁷oa⁴-ti⁴s⁷in² v⁷e²ts⁷oa³-
lai²⁴jin⁴, nts⁷e³², nca³ t⁷e²ne²-lao⁴³ je²
xi³ to⁴xquia⁴ ch⁷ao³-s⁷in² tjio¹ma³.
Ti⁴n⁷ion¹-con²³ xi³ choa³ tjio¹con³,
ti⁴ncha³cao⁴³ xi³ tsin²-le⁴ nca³n⁷ion¹-
jin², ti⁴cjin¹-lao⁴³ nca³ts⁷i³.

¹⁵Ti⁴coi²ntao³ yao³-no³ nca³ ni⁴⁷ya³-
jin² xi³ ca²ta³si¹c⁷o¹fa³-ni³ jnco³
cjoa⁴ts⁷en⁴-le⁴ xi¹ncjin¹. Ti⁴xi¹ti¹yao³
nca³ nta³ ti⁴cao⁴³ xi²nquio⁴³
nca³ntsjai², c⁷oa⁴-ti⁴ nta³ ti⁴cao⁴³
nca³ts⁷i³ cho⁴ta⁴. ¹⁶Tsjoa³ ca²ta³ma³-
no³ nca³ntsjai². ¹⁷T⁷e²ts⁷oao³ a³li²
ni²cha³jin³-jion²³ nca³ntsjai².

¹⁸T⁷ao²³ cjoa⁴nta³ nca³yi³je³, nca³
je²-vi⁴ xi³ me³-le⁴ Ni³na¹ t⁷a³tsaon⁴³
nca³ ti³yo³cao⁴³ Cristo Jesús. ¹⁹A³li²
v⁷e²chjoa²-jin²lao⁴³ je² Espíritu
Santo. ²⁰A³li² ch⁷a²sje³nqui³-jion²³
je² en¹ xi³ no²cjoa⁴ya³ t⁷a³ts⁷e⁴
Ni³na¹. ²¹Na²nta³ cho¹t⁷a³jion³
nca³yi³je³. A³li² njion³-jion²³ jñā³-
le⁴ xi³ nta³ tjin¹. ²²Chja³⁷a²xin²-lao⁴³
yao³-no³ jñā³-le⁴ nca³yi³je³ xi³
ch⁷ao³ tjin¹. ²³Je² Ni³na¹ xi³ tsjoa¹
xi³ nch⁷an¹ tjin¹, ti⁴je²-ni³ Ni³na¹
ca²t³si¹tsje³ya³-no³ nca³yi³je³, c⁷oa⁴
je² espíritu-no³ cao⁴ ni⁴ma⁴-no³
cao⁴ yao³-no³ ca²ta³ma³coi²nta⁴
nca³ cji³jnco³, nca³ tsi²jme³ je¹
tjin¹-le⁴ c⁷ia⁴ nca³ cjoa^{47ai1} Nai³-na¹

Jesucristo. **24** Je² xi³ qui³nchja⁴-no³,
je² cjai¹nca³ n⁷ion¹t⁷a³con³, c⁷oa⁴ je²
c⁷oa⁴-ti⁴ c⁷oa⁴s⁷in⁴².

Cjoa⁴ni²ti²²nta³ xi³ fe³t⁷a³

25 Nts⁷e³², t⁷e²ts⁷oa³ntjai²-
na³jin⁴. **26** Ti⁴ti²⁷ntao³ nca³ts⁷i³

nts⁷e³², nca³ tsje³ t⁷e²t⁷a³ts⁷oa³-
lao⁴³. **27** An³ v⁷e³ne²-no³ xi³
to⁴t⁷a³ts⁷e⁴ Nai³-na¹ nca³ je²
xon⁴ ca²ta³s⁷e³xquia⁴-le⁴ nca³ts⁷i³
nts⁷e³². **28** Je² cjoa⁴nta³-le⁴ Nai³-
na¹ Jesucristo ca²ta³s⁷e³-no³.
C⁷oa⁴ ca²ta³ma³.